



Iosué par sa priere fait arrester le Soleil, afin d'auoir du iour pour vaincre ses ennemis.

A P R E S que Iosué eut accordé alliance aux Gabaonites, avec condition qu'ils seroient sùjets à couper le bois, & à apporter l'eau en la maison du Seigneur, il eut aduertissement comment Adonisedec lors Roy de Ierusalem auoit suscité Oham Roy d'Ebron, Pharan Roy de Ierimoth, Iaphia Roy de Lachis, & Dabir Roy d'Eglon, pour tous ensemble assaillir & combattre la ville de Gabaon, pource qu'elle s'estoit alliée avec Iosué conducteur des enfans d'Israël. Ces Rois donc mirent leur camp deuant Gabaon, & bataillèrent contre icelle, en sorte que ce peuple fut contraint auoir recours à Iosué, qui estoit lors en Galgal; lequel ayant assurance du Seigneur de vaincre les efforts de ses ennemis, partit de nuit en diligence avec toute son armée, & donna vne aspre bataille contre les cinq Rois, qui furent iusqu'en Beth-oron, où le Seigneur fit pleuuoir gresle & pierres du Ciel sur eux, dont il mourut plus grand nombre que par l'espée des Israélites. Et d'autant que Iosué auoit faute de temps pour mettre fin à cette bataille, apres auoir prié Dieu, il commanda au Soleil & à la Lune, de s'arrester ce iour-là au milieu du Ciel: le Soleil ne s'aduança pour se coucher. Donc les cinq Rois qui s'estoient cachez en la caüerne de Maceda, furent enfin trouuez, & mis à mort, comme aussi furent occis ceux qui fuyans se pensoient sauuer.